

## Veediefstal styg met 8,8% in 2016-'17

**DIE** polisie het die nasionale veediefstalstatistiek vir 2016-'17 verlede Oktober bekend gemaak. Dié syfers is deur die nasionale veediefstalvoorkomingsforum ontleed. Daarvolgens blyk dit dat veediefstal in 2016-'17 landwyd met 8,8% teenoor die vorige ooreenstemmende tydperk toegeneem het.

Mnr. Willie Clack, voorsitter van die fo-

rum, sê die styging kan dalk onrusbarend wees, maar dit kan wees weens 'n ware styging in veediefstal óf omdat slagoffers meer sake aanmeld.

Die meeste veediefstal het in Noordwes en Mpumalanga voorgekom, met 22,5% van alle sake wat in elk van dié provinsies aangemeld is. In Gauteng is 20,7% van sake aangemeld.

Polisiekantere wat 'n styging van meer as 50% in veediefstalsake ondervind het, was KwaMhlanga (171%) in Mpumalanga, Phokeng (149%) in Noordwes, Ermelo (108%) in Mpumalanga, Selosessa in die Vrystaat en Belfast in Mpumalanga (albei met 78%), Nongoma (73%) in KwaZulu-Natal en Matla-

la (57%) in Limpopo.

Brandpunte waar daar meer as 150 gevalle van veediefstal in 2016-'17 aangemeld is, was veral in die Oos-Kaap, naamlik by Sulenkama (231 gevalle), Bityi (214), Qumbu (205), Maluti (185) en Mthatha (179). In die Vrystaat is die meeste gevalle by Harri-smith (175) aangemeld, in Mpumalanga by KwaMhlanga (160) en in KwaZulu-Natal by Bergville (158).

Die **TABEL** toon die ekonomiese impak van veediefstal in Suid-Afrika vanaf 2011 tot 2017. In die boekjaar wat verlede jaar geëindig het, het boere verliese van R734 miljoen gely.

**EKONOMIESE IMPAK VAN VEEDIEFSTAL IN SUID-AFRIKA**

| Tydperk  | Beeste          |                 |                 | Skape           |                 |                 | Bokke           |                 |                 | TOTAAL          |                 |                 |
|----------|-----------------|-----------------|-----------------|-----------------|-----------------|-----------------|-----------------|-----------------|-----------------|-----------------|-----------------|-----------------|
|          | Gesteel (R'000) | Gesteel (R'000) | Verlore (R'000) | Gesteel (R'000) | Gesteel (R'000) | Verlore (R'000) | Gesteel (R'000) | Gesteel (R'000) | Verlore (R'000) | Gesteel (R'000) | Gesteel (R'000) | Verlore (R'000) |
| 2011-'12 | 621 099         | 288 855         | 332 244         | 141 675         | 35 354          | 106 322         | 68 132          | 20 063          | 48 069          | 830 907         | 344 272         | 486 634         |
| 2012-'13 | 557 820         | 233 760         | 324 060         | 138 105         | 32 052          | 106 052         | 61 231          | 16 222          | 45 008          | 757 156         | 282 034         | 745 121         |
| 2013-'14 | 598 017         | 231 735         | 66 282          | 127 541         | 26 661          | 100 880         | 62 978          | 19 080          | 43 898          | 788 536         | 277 476         | 511 060         |
| 2014-'15 | 610 467         | 247 632         | 362 835         | 143 541         | 35 523          | 108 018         | 65 037          | 18 297          | 46 740          | 819 045         | 301 452         | 517 593         |
| 2015-'16 | 653 148         | 251 676         | 401 472         | 153 183         | 38 243          | 114 941         | 71 050          | 19 292          | 51 758          | 877 382         | 309 211         | 568 171         |
| 2016-'17 | 796 328         | 263 965         | 532 363         | 180 086         | 36 006          | 144 080         | 82 392          | 24 314          | 58 078          | 1 058 806       | 324 285         | 734 520         |

## RPO POSISIONEER HOMSELF VIR TOEKOMS

**DIE** Rooivleisprodusente-organisasie (RPO) se strategiese beplanningssessie is vroeg vanjaar in Bloemfontein gehou. Mnr. Koos van der Ryst, voorsitter, het gesê wisselvallige marktoestande en dieregesondheid is van die belangrikste knelpunte in die volhoubaarheid van die bedryf.

“Toegewyde aandag moet ook daaraan gegee word om toetreders tot die rooivleisbedryf te bemagtig met die nodige opleiding en ondersteuning ten einde produksie volhoubaar en mededingend te maak,” het hy gesê.

Volgens mnr. Gerhard Schutte, hoofbestuurder, het die RPO homself op die werksessie geïmposisioneer om die belange van die produsent te verteenwoordig sodat voedselsekerheid in Suid-Afrika bevorder kan word.

Die RPO se uitvoerende raad en belanghebbendes het die kernrol van die RPO in die toekoms bespreek, asook volhoubaarheid in die totale rooivleiswaaardeketting.

Van der Ryst het gesê die RPO is gereed om die mededingendheid en volhoubaarheid van die rooivleisbedryf te help verseker.

Geleentheid vir die uitbreiding van die RPO se funksies, ondersteuning van die rooivleisbedryf en waarde-ontsluiting vir produsente is in Bloemfontein geïdentifiseer. Die volgens sake

is ook bespreek:

- Bestendige marktoegang en bemarkingsgeleentheid vir produsente se produk.
- Die bou van strategiese vennootskappe en verhoudings.
- Inklusiwiteit en transformasie van die rooivleisbedryf.
- Vroegtydige bestuur van dieregesondheid en die uitbreiding van funksies, soos navorsing en ontwikkeling, produksie-ontwikkeling, opleiding en tegnologie-oordrag.

Volgens Schutte is dit noodsaaklik om biosekerheidsrisiko's, soos dieregesondheid (insluitend naspeurbaarheid), vroegtydig te takel ten einde produksie van topgehalte te bevorder. Die RPO sal dié taak saam met die nasionale organisasie vir opkomende rooivleisprodusente (Nerpo) bestuur. Geld uit die nuwe statutêre heffing sal daarvoor gebruik word. In vennootskap met die nasionale dieregesondheidsforum sal klem daarop geplaas word.

Die RPO sal groter klem op verbruikersopvoeding lê om die plaaslike mark te laat groei en die deurlopende vraag na rooivleis

te vergroot.

Dit is ook belangrik om vermoëns ten opsigte van hulpbronne, insluitende menslike hulpbronne en finansies, te beter, terwyl die bewaring en optimale benutting van die natuurlike hulpbronne elke produsent se mikpunt behoort te wees.

Volgens Schutte word die RPO as die spreekbuis van die rooivleisprodusente in die formele sektor erken. Die organisasie het 'n goed gevestigde struktuur wat tot op voetsoolvlak kan kommunikeer, en sy kommunikasie met die Regering is op 'n baie hoë vlak. Hy sê daar is uitstekende kundigheid binne die RPO en die organisasie het 'n impak en inspraak as dit kom by navorsing en ontwikkeling.

Schutte sê die RPO speel ook 'n beslissende rol in die aansoek, toepassing en uitvoering van funksies ingevolge die statutêre heffing. Verder speel die organisasie 'n belangrike rol binne die Rooivleisbedryfsforum. Die organisasie is ook betrokke by die nasionale en provinsiale gesondheidsforums, die veediefstalforums en die roofdierforums. Die RPO het 'n vaartbelynde administrasie en inklusiewe besluitnemingsprosesse.



**HIERDIE BLAD IS DEUR DIE RPO GEBORG.**

BERIGTE IS DEUR DIE RPO GESKRYF EN VERSKAF. RIG NAVRAE AAN DIE RPO BY TEL. 012 349 1102. E-POS: [rpo@fantic.net](mailto:rpo@fantic.net). WEBWERF: [www.rpo.co.za](http://www.rpo.co.za).